



Rudarska 65. 75000 Tuzla, BiH, Tel.: (+ 387) 35 369 401, Fax: 369 405, e-mail: minbp@tk.kim.ba, web site: www.vladatk.gov.ba

Na osnovu člana 8. Odluke o utvrđivanju uslova, kriterija i postupka sufinansiranja troškova u izgradnji spomen obilježja poginulim pripadnicima Oružanih snaga Republike Bosne i Hercegovine za 2020. godinu na području Tuzlanskog kantona, broj: 15/1-04-019310-20 od 29.09.2020. godine, Odluke o raspisivanju javnog poziva u svrhu sufinansiranja troškova u izgradnji spomen obilježja poginulim pripadnicima Oružanih snaga Republike Bosne i Hercegovine za 2020. godinu na području Tuzlanskog kantona, broj: 15/1-04-019310-1-20 od 29.09.2020. godine i člana 26. Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2020. godini, („Službene novine Tuzlanskog kantona, broj: 12/20), Ministarstvo za boračka pitanja Tuzlanskog kantona, objavljuje

### JAVNI POZIV

**u cilju prikupljanja prijava u svrhu sufinansiranja troškova u izgradnji  
spomen obilježja poginulim pripadnicima Oružanih snaga Republike Bosne i Hercegovine  
za 2020. godinu na području Tuzlanskog kantona**

#### I Predmet javnog poziva

Predmet Javnog poziva je prikupljanje prijava u svrhu sufinansiranja troškova u izgradnji

- a) turbeta herojima odbrambeno oslobodilačkog rata sa područja Tuzlanskog kantona (u daljem tekstu: Kanton), prema usvojenom idejnom rješenju i
- b) spomen obilježja poginulim pripadnicima Oružanih snaga Republike Bosne i Hercegovine (u daljem tekstu: OS R BiH) na području Kantona.

#### II Finansijska sredstva

(1) Ukupno planirana sredstva za predmet Javnog poziva iznose do 122.000,00 KM i direktno zavise od raspoloživih sredstava u budžetu Kantona, a koristit će se na sljedeći način:

- a) 90.000,00 KM - za sufinansiranje u izgradnji turbeta herojima odbrambeno oslobodilačkog rata sa područja Kantona, a prema usvojenom idejnom rješenju kao i spomen obilježja poginulim pripadnicima OS R BiH na području Kantona, gdje se kao podnosioci zahtjeva javljaju gradovi, općine i mjesne zajednice i
- b) 32.000,00 KM - za sufinansiranje u izgradnji spomen obilježja poginulim pripadnicima OS R BiH na području Kantona, gdje se kao podnosioci zahtjeva javljaju boračka udruženja sa područja Kantona.

(2) Sredstva iz ove tačke se ne mogu odobriti za sanaciju ili održavanje već izgrađenih spomen obilježja iz predmeta Javnog poziva.

(3) Spomen obilježja poginulim pripadnicima OS R BiH na području Kantona koji su u ranijim godinama, finansijski podržani od Ministarstva za boračka pitanja Kantona (u daljem tekstu: Ministarstvo), ne mogu biti predmet dodjele finansijskih sredstava u ovoj budžetskoj godini.

### III Pravo učešća

(1) Pravo učešća imaju: gradovi, općine, mjesne zajednice i boračka udruženja Kantona koja se pojavljuju kao nosioci investicije za izgradnju spomen obilježja.

(2) Pravo na sredstva iz tačke II podtačka a) ovog javnog poziva imaju: gradovi, općine i mjesne zajednice koja se pojavljuju kao nosioci investicije za izgradnju.

(3) Pravo na sredstva iz tačke II podtačka b) ovog javnog poziva imaju boračka udruženja sa područja Kantona.

### IV Sadržaj prijave

(1) Prijava za učešće po ovom Javnom pozivu treba da sadrži:

1. popunjen prijavni obrazac koji se može preuzeti na web stranici Vlade Kantona ([www.vladatk.kim.ba](http://www.vladatk.kim.ba)) i neposredno u Ministarstvu,
2. rješenje o upisu u Registar kod Ministarstva pravosuđa i uprave Kantona ili drugog nadležnog organa u FBiH ili BiH-sjedište po Rješenju sa područja Kantona (za udruženja),
3. uvjerenje o poreznoj registraciji (Identifikacijski broj - ID)
4. ugovor o otvorenom žiro računu kod banke,
5. odluka o pokretanju aktivnosti izgradnje spomen obilježja,
6. projekat sa detaljnim opisom projektnih aktivnosti (ovjeren od strane ovlaštenog projektanta),
7. rješenje o odobrenju za gradnju (građevinska dozvola) ili rješenje o urbanističkoj saglasnosti ukoliko za navedenu vrstu radova nije potrebno izdavanje rješenja o odobrenju za gradnju,
8. finansijska konstrukcija (izvori finansiranja, dosadašnja ulaganja te nedostajuća sredstva),
9. dinamika i rok završetka radova i
10. fotografija turbeta/spomenika ili lokacije na kojoj će se graditi (da bi se vidjelo u kojoj je fazi izgradnja spomenika).

(2) Zahtjevi, uz koje ne budu priloženi svi traženi dokumenti smatrat će se nepotpunim i neće se uzimati razmatranje.

(3) Dokumenti moraju biti dostavljeni u originalu ili ovjerenom fotokopiji.

### V Kriteriji za dodjelu sredstava

(1) Kriteriji za sufinansiranje troškova spomen obilježja poginulim pripadnicima OS R BiH na području Kantona su:

- a) historijski značaj za širu društvenu zajednicu federalnog, kantonalnog, općinskog ili nivoa mjesne zajednice i
- b) veće vlastito finansijsko učešće.

(2) Zahtjevi koji se odnose na izgradnju turbeta herojima odbrambeno oslobodilačkog rata sa područja Kantona prema usvojenom idejnom rješenju, ne podliježu kriterijima bodovanja i uvrštavaju se na listu bez bodovanja, uz uslov da se dostavi potrebna dokumentacija za odlučivanje.

(3) Maksimalan iznos sredstava koji se može odobriti na ime sufinansiranja u izgradnji turbeta heroju odbrambeno oslobodilačkog rata je iznos do 30.000,00 KM (slovima:tridesethiljada i 00 KM).

(4) Maksimalan iznos sredstava koji se može odobriti na ime sufinansiranja u izgradnji spomen obilježja za projekte iznosi do 10.000,00 KM (slovima: desethiljada i 00/100 KM), bez obzira na vrijednost Projekta.

(5) Izuzetno, za Projekte koji su po ocjeni Komisije za realizaciju Projekta od posebnog značaja može se odobriti i veći iznos, uz prethodnu saglasnost Vlade Kantona.

#### **VI Podnošenje prijava**

**POPUNJENI PRIJAVNI OBRAZAC SA SVIM PRILOZIMA  
PODNOSE SE U ZAPEČAĆENOJ KOVERTI A PREDAJE PUTEM POŠTE ILI NA  
PISARNICU ZAJEDNIČKIH SLUŽBI KANTONALNIH ORGANA NA ADRESU:**

Tuzlanski kanton, Ministarstvo za boračka pitanja Tuzlanskog kantona,  
Ul. Rudarska broj: 57., 75 000 Tuzla

[sa naznakom]

*"Prijava na javni poziv*

*u cilju prikupljanja prijava u svrhu sufinansiranja troškova u izgradnji spomen obilježja poginulim  
pripadnicima Oružanih snaga Republike Bosne i Hercegovine za  
2020. godinu na području Tuzlanskog kantona"*

**Javni poziv ostaje otvoren 15 dana od dana objavljivanja, odnosno počev od  
30.09.2020. godine do 15.10.2020. godine (četvrtak).**

#### **VII Ostalo**

Sve potrebne informacije se mogu dobiti u Ministarstvu za boračka pitanja, svakim radnim danom od 10.00 do 14.00 sati, neposredno ili na telefon 035/369-401 i 035/369-408.